


樂會縣志



重修樂會縣志序

自漢班定遠使西域遣使甘英窮臨西海脩其土風
傳其珍怪後之蒞土治民者類皆諮詢其地利之宜
與夫習俗之概於以察治亂之所由觀世道之澆朴
此十五國採風之遺意也粵稽珠崖儋耳鬱為炎州
西漢時已入中國為地數千餘里瓊之所由來遠矣
樂會縣之於瓊特彈丸黑子耳唐貞觀間始置容瓊
縣未幾改樂會凡三易地而始定其東隣大海浮天
浴日不測涯涘潮聲上下驚聞數十里其南則金牛
聳翠一峯挿天海舟奉為指南北界會同凡十許里
平原蔓衍無高山大川之限西近五指賓瓊屬諸山
脈絡之源黎岐踞焉縱橫所屆大畧如斯丁卯春秉
慥承

樂會縣志目錄

卷之一

輿圖志

沿革志

鼎革志

地理志

星野

山川

卷之二

建置志

城池

橋渡

賦役志

疆域
水利

形勝
坊鄉

氣候
風俗

海潮
土產

公署
墟市

倉場

鋪舍

秩祀

樂會縣志

卷首目錄

一

一
傳
錄
文
本

戶口

田賦

土貢

雜賦

學校志

儒學

學田

社學

卷之三

兵防志

營哨

屯戍

民壯

黎情

秩官志

武職

職役

名官

僑寓

人物志

鄉賢

卓行

孝友

隱逸

選舉

節烈

卷之四

藝文志

制

文

議

詩


賦

樂會縣志目錄終

樂會縣志

卷首目錄

樂會縣志



脩志姓氏

樂會縣儒學縣

本縣

知縣教訓典貢

程秉慥 諭楊本藩 導黎知逢 史陳法 生韋昌詒 黃見禎 何大擢 王佳先 李騰雲 員歐錦 龐一龍

生

員

歐錦 龐一龍

樂會縣志

卷首姓氏

一 傳 欽文 本


黎獻琛

黃銓

陳宗瑋

翁宰輔

李彬



樂會縣志總圖

卷首

二

崇文齋
傳鈔本

右圖根原舊本參以見聞凡疆域城池公署學宮
一上疆列庶開卷燎然如指掌揮凡止地一覽無
餘至若疆域止遠近城池止廣狹與夫公署學宮
止因革損益俱詳後各條下茲不復贅

樂會縣志卷之一
輿圖志



盡野分疆之制肇自唐虞至周猶仍厥舊職方氏掌之前朝提封詔土南服至珠崖而極樂雖彈丸一邑諸峯聳於西南大海繞於東北沃壤膏原尚居海處平險燥濕實費調查相厥土宜而後人可得而治也我國家受命溥博外海大國是疆豈僻壤遐陬而觀風省土者置焉首列會圖度按索如指諸掌而政治可次第舉矣志輿圖

沿革志

邾遷於繹惟在利人衛徙於漕尚仍原號周禮惟王建國辨方正位匪直作大邑以之即建官

樂會縣志卷之一

一

崇文齋
傳鈔本

列職猶是也樂凡三易地再史名惟是陰陽山川審度必居其勝依然改地不改并之義焉顧三徙而人安俗習亦屢分而地蹙民窮則富教之亟也志沿革

唐虞三代時樂會在荒服之外為南徼絕域天近地大元天文志云上至北極十九度於天為近至神京一萬里於地為大至秦為越郡外境漢武元鼎六年平南越始以其地置珠崖儋耳二郡督於交州東漢以來更置不嘗唐太宗貞觀五年以崖州之瓊山置瓊州領五縣而縣地屬焉十三年於瓊山南境置容瓊縣高宗顯慶五年即容瓊地置樂會縣建治於黎黑村亦隸於瓊樂會名縣始此乾封後瓊州沒山崗蠻凡百二十有四年德宗貞

元五年嶺南節度使李復討復之七年仍以容瓊為樂會宋徽宗大觀三年割樂會隸萬安軍未幾復隸瓊元世祖至元二十四年遷縣於太平鄉之調懶村二十八年濶里吉思平黎建議析縣西北境置會同縣於烏石涌樂會所存地較狹後以調懶不可居乃遷於萬全之河北大德四年王文河符熙為寇又遷於河南之洲上屬乾寧安撫司明朝因之為今治云

鼎革志

自漢設邑歷唐宋元地易名更沿革不啻詳載矣勝國三百年封疆不改井邑依然我朝定鼎之初濱海遐陬致稽王化或黎岐蕩搖我邊疆或叛逆虔劉我百姓以是井

樂會縣志 卷之一

二

樂文齋
傳鈔本

里廬舍變遷轉徙今則尺地一民咸歸九有土宇版章未嘗改於其舊無復有以沿革志也謹列

鼎革始末俾後來披閱者聞擊壤謳歌而猶念櫛風沐雨之日是亦安不忘危意云

順治三年丁亥四月初一日

王師渡海初八日檄令官民薙髮民間未識

鼎革事宜各竄林谷及大兵入郡嚴戒不犯始歸生業

先是署縣王家輔勒派助餉通縣騷然五月知縣邵明俊到任申明政令頗得安靜九月有萬州生黎數百人剽掠到縣前南門河兵拒退走次年二月又有文昌寇周京數百人圍縣城知縣邵明俊潛奔萬州請兵殺潰民間風鶴者數月庚寅辛卯

二年定安山寇馬銓根大劫白石上北上小地方
居民逃散文昌海寇林綠踞清瀾港播害鄰邑傾
家喪命者無數壬辰年二月又有閩逆張子俊自
萬州來假稱我兵署縣潘揚晉潛脫邑城空虛駐
數日乃去順治九年壬辰八月
王師大定海南城守楊元捕惡異常知縣劉體中禁制
不得通邑受害十一二三年定安山寇李得勝黎
遷賡肆掠本縣白石上北地方十三四五年萬州
黎寇黃仕昌連年縱掠本縣東西南一帶鄉村焚
燬廬舍殺人奪牛以數千百計又值歲當太稷人
民死亡里野空虛至此為甚

地理志

輿圖既定沿革攸彰邑之大槩可攷而知也然

樂會縣志 卷之一

三

崇文齋
傳鈔本

山川土宜法詳禹貢民風氣候義取豳風邑雖
褊小上分天文下盡地利則自星野以及物產
烏可以無志志地理

星野

在天成象在地成形既畫兩界之山河遂分三
垣之躔位况郎官原應列宿自感召捷於
影響仰察星光之晦明俯觀政治之得失
按禹貢淮海惟揚州揚州之域北至淮東南至
海是時南越未入禹貢瓊為越外境又當在揚
州西南之域矣史記天官書云牽牛婺女屬揚
州漢天文志牛女次為星紀地理志及杜佑通
典皆以牽牛婺女為越之分野晉志云吳越之
分屬揚州粵考明朝一統志載黃帝分星次以

牛十一度至婺女七度為吳越之分蓋參考漢天文地理志杜佑通典而云然也唐志謂廣廉端封梧勝羅雷瓊以東為星紀之分則瓊為揚越之地牛女星之分野審矣樂會瓊近邑也是亦星紀之分爾

疆域

境地區分田野繡錯不有界限熟定藩籬標四封而侵佔可杜藉十畝而虞芮無爭今日逃人盜賊立法綦嚴畫尺寸而區之匪日域民聊以守土

縣去府城東南三百三十里東距溟海西抵黎嶺南跨萬州北接會同東西廣二百六十五里南北袤四十五里環疆四百五十六里東至博教港海

樂會縣志 卷之一

四 崇文齋 傳鈔本

岸十五里西至生黎縱橫嶺二百四十五里南抵萬州馳星鋪二十五里北至頓興鋪會同界一十五里東南至金牛嶺海岸二十里西南至萬州界四十里東北至會同潭門港三十里西北至定安多河都三十里

形勝

辨方正位選勝爭奇是以古先或背印面洛柔而不久夏秋發颶或起西北而轉東或起東北而轉西皆必對時回南而後息將起海鳥驚鳴西向樹葉皆向南作翻轉狀或海聲大震或天角有暈如半虹俗呼為風路而嶺表錄謂之颶母或踰時而作暴雨挾之撼聲如雷拔木飛瓦人皆入矮屋避之不能行立牛馬不能出牧或風雨中有電回

南者最大損傷萬物或一歲一二作或一歲俱無
多發於夏秋月間霜降則不作近癸巳年連次作
霜降後間亦有之春夏時自西南方密雲細雨謂
之西南霰立晴無澤秋冬時自東北海雲發雨謂
之東風雨水多成海春夏雲結雷鳴自西北方發
雨謂之西北西百穀滋生地居炎方夏不甚熱冬
不甚寒有霜無雪花集氣候大都如此秋冬雷不
收聲則人多癘疫謂其氣不正也近丙申年正月
寒霜大作歲荒民饑遇凍多死獸畜魚鳥多殞烈
柳柳凋落草木枯萎又壬寅年三冬淫雨不絕霜
威嚴慄禾稻淹沒柳柳萎敗比前尤甚河魚或裸
江帶湖地理之中有人事焉瓊水國也樂縣似出
水蓮花疏瓊河建文塔人事既工天巧自錯鐘靈

樂會縣志 卷之一

五 崇文齋

毓秀行將翼我文明矣

邑諸山由五指山支分迤邐東下連崗疊嶂走數百
里乃至白石突為爐峯翼為榜山卓為金牛嶺峙為
聖石以屏翰邑里關鎖上流其水亦從五指發源合
定安會同諸水而來川原聯合合為萬金流馬環遶
縣治東至汀洲嶺匯為乳潭播為博敖港口東入於
海郡志謂樂會東枕滄溟西扼黎岡層巒起伏於前
深潭環遶於後水清山秀卓有奇狀瓊之東南形勝
地也惟汀洲水口文峯前有建塔舊跡須築成以補
勝槩

氣候

夫南北異地故暑雨分天海外多炎少寒所謂另
一乾坤也但節宣之以時則亦因析之不爽

周歲多東風而西風最少南北之風自東北西北二隅發者最猛發於東南隅者次之西南隅則凍死外人入此土者咸以為北邊嚴霜大雪不過如此說者謂天下治地氣自北而南斯其驗乎

海潮夕

翻天 日育惟羅珍未可以一粟渺之其揚般而為重貨之脛翼則珍錯可通也其汪洋而叢紛飛之戈鋌則妖氛宜靖也蜃市陰火此其幻耳若朝潮夕汐則氣之一升一阵如人之一呼一吸豈必如山海經所云海鱗之出入浮屠書云神龍之變幻乎

縣去東十里為大海東北通廣藩閩越東南通諸番其近界西南抵萬州烏石墩西北抵會同調懶港或

樂會縣志 卷之一 六 崇文齋

春月東風大作海濤挾雨翻騰而起高溢數丈瀕海之地如博教中珠下小之北洋密澤等田皆為鹹沒謂之海溢非經淋雨洗滌則斥鹵之疇猝難耕種民皆病之樂之潮汐大與瓊異瓊海之潮長則西流消則東流大小隨長短星不係月之虧盈蓋以南北對岸東西通流樂會之海東南北三方俱無所際水勢泛濫故潮汐流行未詳方所惟驗於港門進退長則從港而入縮則從港而出消長之候從月而已朔前三日漸起漸大至初五日大極而日退望前三日漸起漸大至十八日大極而日退俗云十七十八日漸起漸大至初五日大極而日退俗云十七十八日漸起漸大下弦之前後稱長即退夏至之前後潮大冬至之前後次大皆倍常月以二至之月陰陽之極也陽極則

潮大陰極則汝大二分之前後潮汝則殺於二至以
二分月陰陽之均也陽均則潮不盈陰均則汝不
溢潮則起子至已汝則起未至亥其海聲久陰則起
北近會同調懶港而吼將晴則起南至萬州蓮旗嶺
而吼人以為陰晴之驗無少爽焉比年來萬全與嘉
溧二河潮水架數尺較故水道更長上十餘里堪興
云江左秀氣在潮水又云海水逆潮人愛惜兩浙英
賢從此出信然則海之潮上或亦瑞徵焉

山川

大塊中忽元窠聳千仞之勢忽蕩漾衍一脈之遠至
為西為陵若泉若井皆分流峙之餘以擅造化之奇
者也滄桑遞改名勝轉開豈一卷一勺無當於登山
觀海之勝歟

樂會縣志 卷之一

七

崇文齋
傳鈔本

山類

陰陽山即今縣治在萬全之南流馬之北而水環抱
平地突起土石相半周圍廣七里許寰宇記云在縣
境內時未遷縣故也

雷朴山在縣東一里許特起小山卓立萬全河南雷
嘗擊其石故因以名與印山對峙

印山即靚志名應山者在萬全河中流屹峙若浮即
然周圍有沙護之諺云印沙長官任久印沙短官難

留似為可驗

香爐山郡志名南山在流馬之南脉從西北延綿而
來象山峯中狀如爐樣秀聳特異縣學皆向之邑八

景爐峯生煙即此

榜山 爐山延綿東轉橫亘數里形如掛榜名榜山

耀日

聖石峯在博教港屹立累累如累卵狀誠中流砥柱
為縣治之禽星也時海濤洶湧砂磧逼隘或南或北
開合不常舟人未諳水道者往往有覆溺之患大抵
其險天設宋天聖四年其石突現故名聖石岸上有
三江古廟其神靈異不測縣之保障實係於此邑八
景有聖石捍海即此三江神廟在縣東南十里三峯
連絡其上有泉曰金牛井四時不涸大旱祈雨輒應
金牛山縣東南十五里其山峻聳挿空登之則東南
諸山皆培塿矣海中舟人望之以定方隅今有僧普
鏡地建草庵於此今廢矣邑八景金牛偃月即此
邁州嶺在縣西八里其嶺峯俗謂之五雷案山自白
石至此又起小五星再聚南有佳音溪九曲水逆潮

樂會縣志 卷之一

八

樂文齋
傳鈔本

而入即地理書所云山必逆與水交水亦逆與山會也
此中大有佳處

龍見石即龍塘嶺在縣西北十五里狀如龍首山脊
半里皆黑石峻嶒疊出若龍鱗然黎盆水前繞之匯

為龍塘港達萬全河入於海

龍磨山縣西五里下芋村平地突起皆田面流闊丈

餘可容數十人高尋尺下有恠石護之左有痕而凹

長丈餘大有尺許世傳龍磨角云新寨村之南

石門嶺在縣西三十五里上大鄉兩石夾峙望如石

門焉

白石嶺縣西三十餘里地脉發自五指諸峯羅列星

家謂有五星聚象周圍環施數十里其中峯有通瓏

石摩空挿漢層層洞壑正又有御屏土星橫為倚兩

角參天為火星輔弼東峯為嶺嶺公石狀如龍首南
峯為裨布石形似獅子西峯為沙牛石形似牛背鄉
人各以形似相呼崇禎癸酉年有老衲海淨鑿石編
茅於中峯為祀佛地既而邑庠生王啓祥負笈入山
搜奇覽勝未就而費後時事滄桑僧散室圯壬寅冬
知縣潘汝奇集邑人士首剏捐資築造於舊址中峯
石壁之下僧明海卓錫居焉僧歿尋廢邑八景曰白
石摩空即此
石龍嶺去縣四十餘里與黃土烏蓋數峯相連錯出
形如貫珠有溝渠遶之達於河
三道嶺縣西五十餘里自定安紗帽嶺逶迤而來突
起尖峯分為三支如盤龍狀下為赤萬嶺與白石峯
斜夾大河而峙

樂會縣志 卷之一

九

樂會縣志 卷之一

西岸嶺縣西北四十里蟠踞脩聳林樹陰森邑人構
室者多採之
風門嶺縣西南七十里上有瀑布懸流旱析雨應黎
蠻出入咽喉之所順治十八年萬州竹根黎首王斌
率其黨數十人散處其間暫據民田今復散居附近
鄉村
縱橫嶺縣西南二百五十里脉自五指山來峯巒峻
阻峭生熟黎環其下
雙髻嶺縣西百二十里黎山之境兩峯並出天外若
雙髻然一名黎母嶺
汀洲嶺在縣東去七里平地突起高峯遶南水北為
縣治捍門知縣劉叔鰲設烟墩建塔其上虬渾嶺在
縣東七百里脉自榜山蜿蜒東行連珠起伏三峯與

汀洲對峙

蓮花峯縣東八里中珠鄉阿界內從塘北山懸絲而
來有石盤疊疊出水南若蓮花然木石交翠可愛
廟山嶺在縣西三里下大鄉大場下田洋中特起峯
巒圓淨秀麗從來鄉人立壇為祭天禱雨之處
油麻嶺在縣西七十里上小鄉自黎婆山來出加黨
坡連珠不斷為白石嶺之後龍
官園嶺在縣南八里峻嶺如椅狀前案若屏近南邊
官路其上廣平幽寂可為隱者居崗主王觀泰常射
獵於此
西瀾石角即縣治陰陽山由萬全河北崩洪石脉逕
水而南至縣治北露迹歷縣學轉至南門復露又東
至雷朴山突為雙峯以障萬全之水矣

樂會縣志

卷之一

十

崇文齋
傳鈔本

北偏嶺縣北十餘里惟石層疊自西超東先後相逐
若驅羣羊狀下有龍掘水泉清白是山水中之瑰異
者

川類

萬全河縣北受定安會同思河南閭諸水分流為南
北二支襟帶縣治東北至雷朴山下復合為一邑八
景雙溪交流北其一也東流至博教港合溫泉龍滾
水流入於海以其納衆流故名萬全合派即此
流馬河縣南古渠窄而迅近被洪勞衝齒漸廣北岸
於為平壤東北至朴石與萬泉合流以為縣南之通
津即今南門河
博教港縣東十五里受萬全流馬龍滾溫泉諸水入
於海